

KAKO IZGLEDA SAM POSTUPAK?

NA DAN ZAHVATA

Vaše dijete će biti primljeno u bolnicu gdje će ga dočekati medicinsko osoblje. Možete ostati uz dijete sve dok ne uđe u salu – često pomaže da ga držite za ruku, pričate mu tiho i budete nježno prisutni.

UVOĐENJE U ANESTEZIJU

Anestezija se može dati kroz maskicu koju dijete udahne (poput “magične pare” koja uspava) ili kroz malu braunilu na ruci. Sve radimo pažljivo, s puno strpljenja i topline.

BUĐENJE I OPORAVAK

Nakon zahvata, dijete će se probuditi u posebnoj prostoriji pod nadzorom. Neka djeca mogu biti pospana, zbunjena ili razdražljiva – to je potpuno normalno i prolazno. Vi ćete biti pozvani čim bude moguće da budete uz svoje dijete.

NAKON ANESTEZIJE KOD KUĆE

Važno je da dijete odmah, da ne jede odmah tešku hranu, i da ga pažljivo pratite. Ako primijetite bilo kakve zabrinjavajuće simptome (duže povraćanje, poteškoće s disanjem, jako pospanost), odmah se javite ljekaru.

NAŠ ZAJEDNIČKI CILJ:

Znamo da je operativni zahvat stresan, ali mi smo tu da vam budemo podrška. Briga o sigurnosti vašeg djeteta je **naš glavni prioritet**. Zahvaljujemo vam na suradnji i povjerenju!

S ljubavlju, **Vaš anesteziološki tim**

ASABOLNICA

Za sve nejasnoće i potrebne informacije kontaktirajte nas na:

Broj telefona: **0800 222 55**

info@asabolnica.ba

www.asabolnica.ba



Dragi roditelji,

Ovdje smo da vas nježno provedemo kroz važno iskustvo koje je pred vašim djetetom – operaciju ili snimanje magnetnom rezonancom uz pomoć anestezije. Znamo da to može izazvati zabrinutost, ali budite sigurni: vaše dijete je u sigurnim i pažljivim rukama.

ŠTA JE ANESTEZIJA I ZAŠTO JE POTREBNA?

Anestezija omogućava da dijete mirno i bezbolno prođe kroz zahvat. Kod operacije, dijete će “zaspati” zahvaljujući lijekovima koje pažljivo daje anesteziolog. Kod MR snimanja, često je potrebno da dijete bude potpuno mirno – a za manju djecu to je moguće samo uz laganu anesteziju.

SAVJETI I NAPOMENE:

- **Ne nudite hranu ili piće djetetu nakon dozvoljenog vremena**, čak i ako traži – znamo da je to emotivno teško, ali činimo to iz brige za njegovo zdravlje. Ako je dijete bolesno, ima temperaturu, povraća ili ima druge tegobe – svakako nas obavijestite **prije dolaska**.
- Dijete može prati zube na dan operacije, ali neka ne proguta vodu.
- Ako imate bilo kakvu **nedoumicu**, slobodno nas nazovite – rado ćemo vam pomoći.

Ove upute su važne kako bi se spriječile komplikacije i kako bi anestezija djelovala na siguran način.

PRIPREMA ZA ANESTEZIJU – KORACI KOJE JE VAŽNO ZNATI

1. RAZGOVOR S ANESTEZIOLOGOM

Prije samog zahvata, upoznat ćete se s našim timom anesteziologa. Razgovarat ćemo s vama o djetetovom zdravlju, navikama, lijekovima koje možda uzima i eventualnim alergijama. Sve što podijelite s nama pomaže nam da anestezija bude sigurna i prilagođena vašem djetetu.

KADA DIJETE MOŽE IĆI NA OPERACIJU

Vaše dijete može pristupiti operaciji ako je:

- Dobrog opšteg zdravstvenog stanja
- Bez znakova aktivne infekcije (npr. temperatura, kašalj, povraćanje, proliv)
- Dobro jede, pije i ponaša se uobičajeno

KADA TREBA ODLOŽITI OPERACIJU

Zbog sigurnosti, operacija u opštoj anesteziji se **odlaže** ako dijete ima:

- Povišenu tjelesnu temperaturu
- **Kašalj**, naročito ako je produktivan (sa šljajmom) ili otežava disanje - operativni zahvat se može odložiti i do 4 sedmice
- **Sekret iz nosa** uz loše opšte stanje
- **Upalu grla**, promuklost ili bol pri gutanju
- **Povraćanje** ili **proljev** u prethodna 2–3 dana
- **Znakove virusne ili bakterijske infekcije** (npr. osip, uvećani limfni čvorovi, bolovi u mišićima)

Ako se pojavi bilo koji od ovih simptoma **u danima prije operacije**, važno je da se javite vašem ljekaru ili anesteziologu **najmanje 24–48 sati ranije** kako bi se dogovorili o eventualnom odlaganju zahvata.

AKO NISTE SIGURNI – PITAJTE

Ako niste sigurni da li je dijete dovoljno zdravo za operaciju, bolje je da nas kontaktirate i podijelite zabrinutost. Naš zajednički cilj je da dijete bude bezbijedno i da operacija prođe što prijatnije moguće.

2. PREPORUKE ZA GLADOVANJE PRIJE ANESTEZIJE

Kako bismo osigurali da anestezija bude što **sigurnija**, važno je da se **pridržavate uputa o gladovanju (nejedanju i nepijenju)** prije dolaska u bolnicu.

Zašto je gladovanje važno?

Kada dijete primi anesteziju, refleksi koji inače sprječavaju povraćanje i udisanje hrane mogu privremeno prestati djelovati. Ako dijete ima hranu ili tekućinu u želucu, može doći do povraćanja, a to može biti **opasno po život**.

Molimo vas da obratite pažnju na **vrijeme početka zahvata** koje će vam biti rečeno, te da računajući unatrag poštujete sljedeće vremenske razmake i strogo pridržavate sljedećih vremenskih okvira:

a. Bistra tekućina (voda, čaj bez mlijeka, bistri sok bez pulpe):

DOZVOLJENO DO 2 SATI PRIJE DOLASKA U BOLNICU.

Primjeri: voda, jabučni sok, čaj bez šećera i mlijeka.

NISU DOZVOLJENI: MLIJEČNI NAPICI, SOKOVI S PULPOM, GAZIRANA PIĆA.

b. Majčino mlijeko:

DOZVOLJENO DO 4 SATI PRIJE OPERACIJE.

(Majčino mlijeko se probavlja brže i sigurnije nego adaptirane formule.)

c. Adaptirano mlijeko, mlijeko životinjskog porijekla i mliječne formule:

DOZVOLJENO DO 6 SATI PRIJE OPERACIJE.

d. Čvrsta hrana (uključujući kašice i dohranu):

DOZVOLJENA DO 6 SATI PRIJE OPERACIJE.

HRANA KOJA JE MASNA, MESNA, ILI TEŠKO PROBAVLJIVA ZAHTIJEVA ČAK I VIŠE VREMENA – U NEKIM SLUČAJEVIMA DO 8 SATI.